

# 亳州志

全集

疆域志卷一

幅員

形勢

沿革

星野

災祥

山川

風俗

城池

疆域志卷二

公署

古蹟

壇廟

陵墓

寺觀



乾隆伍年鐫

# 亳州志

州署藏板

亳州志序



亳誌自順治辛丑歲修輯  
以來於今七十餘載百年  
之事實除賦役外一無可  
徵亦一邑之缺事也我



國家

列聖相承重熙累洽雖山陬  
海澨皆成有道之區亳地  
屬在一隅實淮豫之交壤  
南北通衢中州鎖鑰其間

名賢之所布政人物之所  
鍾生稽之前史彰彰猶在  
則此百年中豈無有宣化  
之良牧政績可觀修行之  
鄉人品誼足述以副至治



之隆者乎乃待載旣已有  
年傳聞亦將奄息至有間  
各守吏之姓名且不能盡  
數者他可知矣夫莫爲之  
紀雖美而弗傳莫爲之文

雖傳而弗著上無以表

聖朝一方之雅化下無以揚

邦人潛德之幽光而且使  
一郡之誌典徒有此殘編  
斷簡僅載前朝之數事而



西水志 序 三  
止任斯土者亦安得而不  
爲之愨然也乙卯冬杪余  
自金邑承乏於亳見舊本  
零落錯亂殘缺不堪當時  
卽思訂修以鞅掌伊始次

第未遑丙辰秋郡紳士公  
請茲事已知衆志相符當  
卽據詳上憲擇任宿士  
細諮邑人舊有者各歸各  
項分清眉目浮僞則去之



遺漏則增之新入者核之  
其聞本諸確見既屏僞以  
存真亦求簡而可括至於  
年遠人遙滄桑遷變耳目  
之所難及考證之所無從

或仍其舊或闕其疑雖至  
人亦有所不知誠無可如  
何之事也蓋誌猶史也例  
有一定筆貴精嚴是非不  
失其實褒稱唯當其宜含



糊固屬未協穿鑿亦所無  
庸試觀列朝文史其規模  
之整飭字義之精覈有不  
容差之毫釐者筆墨之事  
誠不得苟焉者也誌中有

史無明文兩存其說如木  
蘭女係元魏朝人又以為  
隋末事是也有功勳性理  
不得例以方外如陳希夷  
學啟周邵應列之人物考



亭州志 卷之六  
中是也他之或因或革不可枚舉無非悉心斟酌以爲信誌憑臆而出任我作議非所取矣閱有八月而告成復質之同學補其不

逮一郡之事付之一郡之公評使由此而無滋後人之議焉則幸甚矣若夫亭爲江南勝地而科第寥寥數人都人士每以爲歉竊



意治化之隆以漸而遍及  
當此

文明日盛之時將來應有  
如薛考功之品誼李方伯  
之勲猷以續增此志之光

者惟在有志之君子深自  
奮勵承菁莪之化育著不  
朽之規爲而爲桑梓增色  
於靡涯也是又不佞之所  
厚望焉爾時



乾隆三年歲次戊午孟冬  
穀旦知亳州事華度謹撰

亳州舊志序

劉澤溥

不佞束髮受書每閱商書及商頌六篇則三復者久之喜其氣醇風穆敬天慕祖制作簡嚴明肅而風愆之訓六事自責儼然若聞其聲息焉作而嘆曰是虞夏之遺乎幸而筮仕得典亳郡驅車至郊日其土俗風物殊覺有異及接紳衿耆老悉樸誠愿謹無多謬巧視事近二載又見案無囂訟士鮮屈節婚喪鮮踰越之交鄰鄙安服食之素先王之遺俗善政迄今殆有存焉者乎予喜逢善地得撫嘉師惟恐表正不力



有負所學於是厚自濯磨與士民共厲古處但慮毫  
經兵火之餘害氣方除瘠顏未展圖之未易爲力耳  
會督學李公校士江南首奉 部議崇文修獻徧下  
所部徵求誌書乃詣澤宮集紳衿擇博洽者數人禪  
網羅舊文刻期副命然而舊誌湮沒闕畧殊多近事  
荒唐考稽未詳延至竟歲獲覩成書世系分野如指  
諸掌其間如桑林之禱解網之仁桐宮之跡伊訓所  
藏悉皆聞符所見無不確定其餘若星園之道德華  
山之高隱魏武之雄圖陳思之揆藻近而如考功之

文章氣節方伯侍御之勲伐吟咏以及素士敦行帶  
帶蹇修匹夫匹婦蒙難履霜英魂義骨峻嶒霄漢皆  
於寸穎墨漬中全盤托出且錢糧繇役因時繁簡勒  
之成書以俟後賢惟公惟慎罔敢恣臆庶可謂不負  
纂修者矣然而尤可喜者弁誌之言出自宗公發皇  
古厲古穆風高則毫誌得公言而愈光較他郡乘似  
爲過之余執掌簿書而分無文采拙守一方惟思踵  
聖教之遺徽符溫恭之雅則與郡士人樂觀終始庶  
初學一念不以當官淪之此夙夜履思而惟恐不逮



者也若謂筆削之事修明自我非所敢任也

亳州嘉靖年間舊志序

蘓祐

亳州高辛氏之所都也迨成湯居亳表正萬方至周李耳生瀨鄉爲柱下史潛德猶龍而亳遂爲望地往歲乙未嘗按其地西原薛考功養疴於家會晤各有贈言因閱所著老子集解益信地靈鍾毓不偶別來幾三十載矣懸車林藪衰老相尋卜居郊墅禁足一室若爲靜攝之計符卿字君伯承謫貳亳州偶以使事還過濮上出所撰亳州志見示而郡守孫君克廉載以書幣來請序蓋二君皆同鄉符卿氏復里人詞



翰親暱尤難力辭縱讀數過恍如按郡時而章往闡  
幽上探下述追宗史氏之體翩翩稱作者且撫臺南  
岷主公巡臺肅菴朱公臬臺河汀王公皆屬意斯文  
風猷宏樹孫侯贊襄興起符卿氏展布藻思爲一方  
信史使郡人小懲而大誠得以寡過何其際也且予  
菲薄髮種種偃仰一邱願養谷神窺柱下史門墻莫  
知底定今讀郡志而流覽表傳所謂不出戶庭知通  
塞也其禁足之義益宣鬯矣是故覽商魏表紀則三  
風十愆欺天虐民者知所禁矣覽秩官人物諸表傳  
則貪墨見褫雄據而肆欺隱者知所禁矣覽建置田  
賦學校兵衛材胥古蹟諸考則曲防厚斂青衿在城  
闕尾大不掉舞文法老死無稱述者知所禁矣覽忠  
義孝友隱逸烈女方外諸傳則悖天常瑣尾聲利貳  
心閨闈藉苦空而弋媮樂者知所禁矣之數者咸有  
所禁而不敢爲則理財正詞禁民爲非者莫辨乎志  
矣文獻不有足徵已夫



亳州志舊序

李來泰

亳在明嘗爲縣更長官爲令已復爲州然卒無屬屬鳳陽予頃來江南始入自亳見其城壯多寬鄉道濱河經寇馬後猶爲四方輳集不可以小國寡民之治治者蓋亳之爲亳古矣非獨漢爲譙郡豫刺史治處與夫唐宋名臣迭居列在緊望已耳而成湯之國高辛氏之墟皆在焉會予視事下所部各理志乘而州守同年劉君遂先報成書所叅預撰屬者則亳人高明經搏九也歎舊志蕪沒難考近事稀濶不傳而以



科第寥寥爲歎予則謂書之缺遺亡害也商頌初得十二篇俄亡其七然而伊訓說命萬古言性言學之祖其先契司徒敷虞教卒之少而逢掖長而章甫於宋者非湯孫哉則商人之文獻可知姑舉亳近代如薛考功之直節也而文李方伯之宦業也而文一不爲少二猶不足而至遠引五千言下逮陳王藻思爲張楚耶吾見亳且日起而劉君能以文采飾儉荒而振德之不爲亡功也已予所助志垂成者有二崇禎中州守葉公景先先年友也有公齋紀事知其守亳事尤真特喪亂後佚弗傳耳然今志固云民思公久而不忘矣而魏武帳殿記在亳言亳不得以穆伯長故存之蓋亦正考父周太師之遺意乎



亳州誌舊序

秦錫蕃

亳有誌久矣一代聿興遴集往事釐次補遺續成前誌修之不容已也會督學李下檄徧徵刺史劉君政成一載才擅三長校正是役山川之廣袤生齒之繁息賦稅之錯等名哲之先後斌斌乎全書矣余不佞司鐸茲土他非敢知也間與諸士蒐學校之沿革興替以廣斯誌亦曰黌宮之片席乃風化所自出爾粵稽殷之序亳爲首善地以風雨之好上應祇台亳居其原天下受其委歷周秦漢唐宋元明以迄於今會



馬州志 序  
極互乘所勝則毫又受其委矣其六七作之憑弔不  
衰也其故家遺俗有存也其山靈岳秀盤鬱而欲吐  
也猶龍之五千拔幟于子而進之于經遐哉尚矣自  
是而思王捷于吟咏日爲繡虎貫之不避糾彈號曰  
魚頭安道之高潔粹徽軫于王門延祖之義烈留憤  
血于帝衣希夷之忘富貴利達付浮華於一夢皆諸  
士珂里先達也高山不遠仰止爲勤且制心制事

黻展之上有合德焉九圍靡然受式矣曩爾一毫贅龐其

球之末慮無敢佻達以爲聖化梗余不佞何力焉而

以爲風化所自出者義祖清靜則拾英于流星句貴  
速成則芳徽於刻步政府不爲模稜則直節可師進  
身必以其正則非義可却而丹心炤耀表松栢於歲  
寒任運往還餐煙霞於塵外數者舉之不盡亦可連  
類奮起而振興末學矣凡言誌者志已然之蹟也亦  
志未然之事也已然者刺史所總裁余所分校封山  
表瀆畫井分疆褒輯人物條列事蹟據實援舊無以  
已意增飾者是也未然者雍梁兗豫吳楚之物力輻  
輳茲區天下靜則周道視履肩摩轂擊稍有警動兵



馬之蹂躪人歌黃鳥士悲鴻雁勢所必至惟願長享  
有道四字無虞民傳尚質之遺士守聖敬之學于以  
遊化日而樂熙皞則未雨綢繆之苦心千載猶如見  
也徒誌一時云乎哉

亳州志

纂修姓氏

總裁

亳州知州華

度餘姚縣人

監生

校閱

亳州州同顧

登新陽縣人

亳州教諭陳昌會上元縣人

舉人

訓導張士宗和

州人

歲貢

督梓



亳州吏目靳元昱閔鄉縣人

纂修

蔡必達蕭山縣人

叅訂

陶 栻 張 鯤 孟衍仁

韓 俊 李善輔 孫應瑞

李文燦 劉 輝 王慶澤

劉 憲

繪圖

喜潤



亳州志目錄

卷一

疆域志上

幘員

形勢附

沿革

星野

災祥附

山川

風俗

城池

卷二

疆域志下

公署

古蹟

壇廟

陵墓附

寺觀



卷三

食貨志

里甲

田賦

起運

歲支

稅課

屯田

鹽課

驛傳

物產

卷四

學校志

學宮

義學

試院

武備志

營制

兵革

附

卷五

秩官志

上

官制

職名

卷六

秩官志

下

治行

卷七

選舉志



進士

舉人

進士

保舉

恩賜

武進士

武舉人

將材

卷八

人物志 上

帝王

名賢

宦績

武功

忠烈

孝友

卷九

人物志 中

儒林

文苑

隱逸

厚行

賓筵

卷十

人物志 下

列女

外傳

卷十一

藝文志 一

奏疏

卷十二

藝文志 二



書  
論  
贊

卷十三

藝文志三

序  
傳

卷十四

藝文志四

碑記

卷十五

藝文志五

墓志  
雜文

卷十六

藝文志六

賦  
詩



亳州志卷一

圖考

先王建邦設都體國經野有書契即有圖史凡以規  
 形勢而審詳要睹星紀而綜食貨莫不於圖焉考之  
 以故羲畫禹疇尚矣成周定鼎洛邑而書稱佯來以  
 圖及獻卜至鄰侯相漢祖定天下先收圖籍具知天  
 下阨塞強弱之處是圖史之詳且重也亳雖屬在一  
 隅寔南北通衢中州鎖鑰其壤地相錯形勢甚紛爰  
 繪圖於左庶監古酌今者披圖而閱瞭如指掌矣



州治圖 東至蒙城縣界

北至高商印



南至南肥


縣界



穎州界


西至鹿邑縣界

州城圖





文廟圖



崇聖宮




文昌宮

飾孝祠

青雲路

藏經閣

明倫堂



州署圖

州署圖


卷之二

五




自古王者占雲物省機祥莫不觀乎天文以察時變  
 雖一邑之地不足當一宿之占而休咎所徵固不爽  
 矣毫與豫接壤舊誌但言入氏房心二度未有定指  
 而周禮史記天官書以及歷代天文志各存其說差  
 之毫釐謬以千里不可不察也今列圖於左而并附  
 備考於後


氏宿圖



房心二宿圖



太微垣三台 北斗圖





亳州志卷之一

疆域志

自古畫疆而理有分土卽有分民成周列爵惟  
五公侯不過百里各守其國而規畫從此起焉  
雖所秉者一王之大法而因其地之所宜以爲  
因革損益則各有攸當也今之州邑或廓於古  
之大國凡屬疆以內者在士庶爲桑梓之鄉在  
官司爲職守之寄則先代之所傳目前之所定  
可不慎而志之歟我



朝四海一家版圖之大亘古未有毫一彈丸耳而道  
居四達上通雍豫下抵吳越則最要地也凡地  
志皆首輿圖茲仍其例以疆域志爲第一而以  
其類繫焉

幅員

以亳名州始於北周隋唐以來皆爲郡以領縣  
所隸廣矣今日之亳止有境內其幅員可考而  
知也條列如左

屬江南安徽布政使司潁州府管轄東西一百  
六十里南北一百三十里東蒙城西鹿邑南至  
府北歸德

東至蒙城縣雉河界一百二十里

東南至花溝集蒙城界

南至淝河潁州界八十里

西南至梅城集太和縣界四十里

西至鹿邑縣雒河界四十里

西北至安家溜鹿邑界三十里

北至土墻村商邱縣界五十里



東北至渾河集末城縣界四十五里

南距潁州府二百四十里

南稍東距安慶府九百四十里

東南距江寧府七百五十里

北距順天府一千五百六十里

附形勢

亳爲中州門戶南北交途東南控淮西北接豫平原曠野土沃壤饒水陸四通八達而無崇山峻谷之險阻

沿革

古今輿地沿革不同或爲京都或爲封國或爲郡邑或更其名或改其屬因時勢之所宜而變通之前後不必相承也亳自古以來爲沿爲革載籍可考舊志所編猶多缺畧今叅之通志以列代爲提綱而詳註之瞭如指掌矣

高辛氏建都

綱目載孔子云契父帝嚳都亳湯自商邱遷焉今據帝嚳之廟與陵俱在歸德府之東南商邱



卽倚郭若以亳卽商邱不言遷矣蓋商邱與亳原係接壤其遷固不遠耳

虞夏豫州地

商亳都

朱子商頌註云商都亳宋都商邱皆在應天府亳州界宋之應天今河南歸德府也據書經蔡註亳在宋州穀熟縣括地志云宋州穀熟縣三十五里爲南亳故城成湯所都今穀熟縣廢有穀熟集屬商邱東南來三十里已是亳州所屬

宋家集等處則故都在今亳境內無疑

周焦夷邑

武王封神農後於焦春秋入于陳左傳僖公二十三年楚伐陳取焦夷杜註焦今譙縣也夷一名城父今譙郡城父縣按晉時城父今爲亳之屬村則夷亦亳地也又考括地志古焦國在弘農陝縣東北係姬姓武王之後與此不同

秦譙縣

屬碭郡



漢譙縣

屬豫州沛郡新莽爲延成亭

三國魏譙郡

屬豫州武帝分沛立譙郡文帝以鄆城父山桑  
鉅置譙郡黃初二年改譙都以曹本譙人也

晉譙郡譙縣

屬豫州

北魏陳留郡小黃縣

置南兗州陳留郡小黃縣又魏志有北揚州汝

陰郡領汝陰宋二州宋卽漢新鄴今並爲亳州  
地

北周亳州小黃縣

置總管府武帝遙取南亳之名爲亳州而以小  
黃屬焉

隋亳州譙縣

初置陳留郡小黃縣屬焉開皇初郡廢仍爲亳  
州十六年分置梅城縣大業三年改小黃爲譙  
縣末年又改譙州領七縣譙城父鄆臨渙谷陽



山桑

唐亳州譙縣

隋末為譙州貞觀八年更名縣武德七年置亳州領縣七譙鄴真源末城城父鹿邑蒙城開元中定天下州府有十望亳州其一也天寶元年改亳郡乾元元年復為亳州領縣八較前無末城而有臨渙朝城焉天祐二年更名焦夷焦夷本二邑而唐合稱之屬河南道

五代梁亳州夷父縣

龍德元年改亳州焦夷縣為夷父置防禦州

五代唐亳州譙縣

仍改夷父為譙縣置團練州至晉仍置防禦州

宋亳州譙縣

祥符七年升為集慶軍置節度使州領縣七譙倚郭外為城父鄴末城鹿邑衛真蒙城熙寧五年屬淮南東路應天府南渡後亳入於金

金亳州譙縣

屬南京路



元亳州譙縣

州領縣六譙鄆鹿邑城父衛真穀熟而屬於河南歸德府

明亳州

洪武初領縣三譙鹿邑城父六年降爲亳縣以譙縣省入屬潁州弘治八年復升爲州屬南直隸鳳陽府

國朝亳州

舊屬江南鳳陽府雍正二年升爲直隸州改潁

州之太和縣壽州之蒙城縣來屬領縣二雍正十三年升潁州爲府亳州屬焉

亳都考

亳有三南亳北亳景亳是也今以亳名者惟譙陽一州至所謂湯受命之舊區咸以偃師爲是故譙偃俱有湯陵而祀典獨主偃師考之商書曰王歸自克夏至於亳誕告萬方蔡註謂亳湯所都在宋州穀熟縣周書立政篇曰夷微盧烝三亳阪尹括地志云宋州穀熟縣西南三十五



里為南亳故城即成湯之都北五十里蒙城為景亳湯盟地也盤庚遷殷在偃師西十四里為西亳猶漢之新豐也則湯之受命與所都地似在穀熟無疑至穀熟宋以前無所考元則分譙與穀熟兩縣為亳州所領咸屬歸德後穀熟廢為商邱之穀熟集西南三十里便為亳界則亳州非湯之故都耶魏文帝皇覽曰亳州東北三十里有成湯塚漢哀帝時遣御史長卿謁之文帝係亳人去古未遠今東北三里湯陵宛在似可

信矣湯之始祖為契綱目所載孔子云契父帝嚳都亳湯自商邱遷焉是先世居商邱至湯始居亳及奄有四方遂以作一代之都厥後子姓屢遷仲丁遷囂河亶甲遷相祖乙遷邢遷耿盤庚復遷偃師改商為殷名曰西亳至武乙又遷河北則偃師為盤庚之都而非湯之故都也較然矣又按今歸德府寧陵縣為古葛伯國使湯都偃師則相去甚遠而豈與葛為鄰乎商頌曰陟彼景山松柏丸丸又曰景員惟河殷受命咸



宜此頌武丁之詩盤庚遷殷以後隔數世之事也而春秋傳又曰湯有景亳之命何哉夫世遠年湮滄桑幾變典籍異載不敢執為定評茲特據所見以考定云爾至於景員惟河之義朱子猶云未詳亳亦並無山谷則詩之所指非譙陽可知其在河南偃師之前後乎

蕭山蔡必達識

〔星野〕

周禮保章氏以星土辨九州之地所封封域皆有分星以觀妖祥註謂觀彗孛客星所犯之分野而妖祥可知故紀地理者必準天文也江南係揚徐豫三州之域而亳屬豫與河南接壤故昔之言分野者多曰房心蓋統言之也舊誌言入氏房星二度何其混歟考正如左

二十八宿分野

亳州禹貢豫州之域古宋陳地天文分野舊曆入大火之次心一度今從欽天監時憲書攷正歲差應入大火之次房四度較舊溪口曆差二度



五星分野

史記天官書鎮星主豫州宋史天文志填星主豫州

北斗分野

史記天官書二十八舍主十二州斗秉兼之春秋文耀鉤北斗七星豫州屬搖星星經玉衡第七星為豫州以五午日候之甲午為潁川斗牛

斗六星與北斗不同

三台分野

宋史天文志三台六星上台上星主豫

垣星分野

宋史天文志太微垣中魁第六為門陽主豫

叅考

周禮亳地屬豫入房二度

史記天官書房心豫州

漢書天文志房心豫州又曰宋鄭之疆候歲星占房心又曰太歲在戌日掩茂九月出太初在氏房心



漢書地理志宋地房心之分野也今之沛梁楚山陽濟陰東平及東郡之須昌壽張皆宋分也晉書天文志自氏五度至尾九度爲大火於辰在卯宋之分野屬豫州又曰房心宋豫州潁川入房一度汝南入房二度

唐書天文志氏房心大火也初氏二度中房二度終尾六度自雍邱襄邑小黃而東循濟陰界於齊魯右泗水達於呂梁乃東南接太昊之墟盡漢濟陰山陽楚國豐沛之地又曰商亳負北

河陽氣之所升也爲心分又曰氏心當洛邑衆山之東與亳接

元史分野爲氏二度皇輿要覽又云在氏一度明天文分野書氏房心宋分野

### 亳州分野攷

亳州在淮宋之間舊志但言入氏房心二度而未有定指查天文志氏星在河南兗州房心在周鄭諸地心星在歸德宋野氏房心俱屬東方七宿而心更橫叅東南周宋魯同在中州而周



魯較居西北宋之分野似應專在心之一宿也  
考春秋宋景公時熒惑守心當日占者俱以爲  
景公憂唐天寶末年天狗入心未幾睢陽有尹  
子奇之變明崇禎末年天狗又入心歸德旋遭  
流賊之慘此其明證也亳北距歸德城百里同  
爲商之都邑武王克商封微子於宋封神農後  
於譙封國殊名共屬宋地後代或附開封或附  
歸德至明改屬江南總以宋爲分野與歸德共  
一心宿似無疑義再攷天文志淮陽入心一度

夫淮宋皆入心分則在淮宋之中者更可知矣  
但度分杪忽積之則有歲差今據時憲書攷正  
當入房四度要之旣入房則非心旣入心則非  
房與氏未有可以混言氏房心者况舊志云氏  
房心二度則此二度者於三星誰屬歟然則列  
史有兼言者何也蓋漢書云宋地房心之分合  
歸德以北之諸郡言之也其曰房心豫州又曰  
宋鄭之疆占房心合宋鄭統豫州而言之也周  
禮之言入房二度元分野之入氏二度仍合偃



師之西亳言之也卽據唐書明言商亳負北河  
爲心分而舊志不載獨載氏星當洛邑衆山之  
東與亳接之說夫昔之洛邑卽今之河南府而  
偃師在洛邑東七十里卽湯之所名曰西亳斷  
不得指之隔千里外之譙陽矣故古今度數有  
歲差里差然亦只在前後數度之內房四度與  
心一度所差不過二度而氏則甚遠矣不可不  
辨也 必達識

附災祥

殷太戊立亳有祥桑穀共生於朝一暮大拱太  
戊惧而修德三日祥桑枯死

漢綏和二年春二月熒惑守心亳入心之一度  
建元元年大司徒御史長卿案行水災至亳謁  
湯塚建和元年春三月黃龍見譙

嘉平五年黃龍見譙

建安十二年黃龍復見譙

晉建元二年熒惑入房心

唐貞觀十二年冬十月甘露降於亳州



開元八年正月甘露降於亳州

二十九年亳州老子祠九井涸復湧

貞元十三年淮水溢於亳州

宋建隆二年亳州獻芝草學士王著上頌

開寶七年二月蝗

咸平四年二月亳州貢白兔太清宮鐘自鳴七

年亳州見白兔麥一莖兩穗

大中祥符四年知亳州徐泌獻芝草八月丁未

亳州貢白兔六年秋八月野蠶成繭繰絲并絮

以進真源縣麥菽再實七年冬十月甘露降太

清宮太清宮枯檜復生枝

元至元四年夏淫雨傷蠶麥禾皆不登五年七

月蝗二十七年秋八月地大震

大德元年三月黃河水溢漂沒田廬

明天順八年九月通真觀產靈芝

成化十七年二月夜地大震二十一年春二月

十字河產麒麟

弘治九年春三月天雨雹二麥摧折十三年夏



六月孝子王矩墓側產靈芝

嘉靖二年大飢十三年大飢十七年大水黃河  
溢趨渦河田廬盡沒二十二年黃河復歸德故  
道三十九年大蝗四十一年大旱

隆慶二年黃河水泛民舍漂沒冬大雪六年水  
五月朔日食天地晦

萬曆元年元旦日食十五年元旦雷震大雨秋  
旱十一年夏淫雨平地水深數尺麥盡漂沒冬  
飢二十二年春飢餓殍枕藉人食人二十九年

元旦黃風黑霧民舍火災三十年正月大雪積  
深數尺五月初四日雨雹人牛樹木傷雨雹後  
風熱如火三十一年大飢秋七月雨雹八月大  
水三十七年蝗四十六年蝗七年又蝗四十八  
年彗星見經月

天啓元年正月雪深丈餘人不能行

崇禎五年春大水六年鷄鳥至繼至者三年七  
年十月朔日食白晝如夜是月初四日夜北方  
虹見九年夏六月天狗星墜于楚豫之境十二



年二月二十一日紅雲自北來瀾天成晦有天

火飛落燒民舍官衙坊廟經數晝夜凡携箱籠

傍水濱避者箱內自焚此係火孽宋史紹興三十二年建昌軍新成縣

有巨室篋中時有火光燔衣帛過半而篋不焚

又開寶七年六月棣州有火自空墜于城北又

明史天啓年間遼東城中有火自

空下迤邐而焚民舍俱與此同

十三年大疫死殆盡人相食十四年樹木枯十

五年九月二十六日黃水漲城不及涉者數版

十六年野大荒市無居人遍地長草木

國朝順治三年水四年水五年春旱秋大水十一年

六月淫雨壞民廬舍禾漂沒秋冬旱十二年夏

大水七月朔日食

康熙四十二年亳州飢四十八年自夏淫雨至

秋大水是年大飢至四十九年秋成後始安集

雍正九年舉報壽婦單懷臣之妻張氏一百零

一歲

恩賞緞一疋銀十兩禮部題請

旌表給與建坊銀三十兩坊曰貞壽之門

乾隆元年奉



恩詔舉報壽民趙振鐸一百零六歲周德茂一百零

二歲各

恩賞緞一疋銀十兩禮部題請

旌表給與建坊銀三十兩坊曰昇平人瑞

山川

疆域之內城郭宮室關市之類皆與時遷移所  
不改者山川也亳雖無山而岡坡亦山之屬故  
與境內諸水並列焉

岡

虎頭岡在渦河西北離城二里迴伏數里為城  
北之屏障

南虎頭岡在城南一里

南五里岡在城南五里環城土陵數塚人呼為  
曹操虛糧塚云居民掘地往往得石券輒碎之  
不令人知相傳以為帝王塚蓋曹氏土著連姻  
凡公侯墳墓俱在亳故也

河

渦河發源自葛河口由鹿邑西來至北城外會



師之西亳言之也卽據唐書明言商亳負北河  
爲心分而舊志不載獨載氏星當洛邑衆山之  
東與亳接之說夫昔之洛邑卽今之河南府而  
偃師在洛邑東七十里卽湯之所名曰西亳斷  
不得指之隔千里外之譙陽矣故古今度數有  
歲差里差然亦只在前後數度之內房四度與  
心一度所差不過二度而氏則甚遠矣不可不  
辨也

必達識

附災祥

殷太戊立亳有祥桑穀共生於朝一暮大拱太  
戊惧而修德三日祥桑枯死

漢綏和二年春二月熒惑守心亳入心之二度  
建元元年大司徒御史長卿案行水災至亳謁  
湯塚建和元年春三月黃龍見譙

嘉平五年黃龍見譙

建安十二年黃龍復見譙

晉建元二年熒惑入房心

唐貞觀十二年冬十月甘露降於亳州



開元八年正月甘露降於亳州

二十九年亳州老子祠九井涸復湧

貞元十三年淮水溢於亳州

宋建隆二年亳州獻芝草學士王著上頌

開寶七年二月蝗

咸平四年二月亳州貢白兔太清宮鐘自鳴七

年亳州見白兔麥一莖兩穗

大中祥符四年知亳州徐泌獻芝草八月丁未

亳州貢白兔六年秋八月野蠶成繭練絲并絮

以進真源縣麥菽再實七年冬十月甘露降太

清宮太清宮枯檜復生枝

元至元四年夏淫雨傷蠶麥禾皆不登五年七  
月蝗二十七年秋八月地大震

大德元年三月黃河水溢漂沒田廬

明天順八年九月通真觀產靈芝

成化十七年二月夜地大震二十一年春二月  
十字河產麒麟

弘治九年春三月天雨雹二麥摧折十三年夏



六月孝子王矩墓側產靈芝

嘉靖二年大飢十三年大飢十七年大水黃河  
溢趨渦河田廬盡沒二十二年黃河復歸德故  
道三十九年大蝗四十一年大旱

隆慶二年黃河水泛民舍漂沒冬大雪六年水  
五月朔日食天地晦

萬曆元年元日日食十五年元日雷震大雨秋  
旱十一年夏淫雨平地水深數尺麥盡漂沒冬  
飢二十二年春飢餓殍枕藉人食人二十九年

元日黃風黑霧民舍火災三十年正月大雪積  
深數尺五月初四日雨雹人牛樹木傷雨雹後  
風熱如火三十一年大飢秋七月雨雹八月大  
水三十七年蝗四十六年蝗七年又蝗四十八  
年彗星見經月

天啓元年正月雪深丈餘人不能行

崇禎五年春大水六年鷓鴣鳥至繼至者三年七  
年十月朔日食白晝如夜是月初四日夜北方  
虹見九年夏六月天狗星墜于楚豫之境十二



年二月二十一日紅雲自北來瀾天成晦有天

火飛落燒民舍官衙坊廟經數晝夜凡携箱籠

傍水濱避者箱內自焚此係火孽宋史紹興三十二年建昌軍府成縣

有巨室篋中時有火光燔衣帛過半而篋不焚

又開寶七年六月棣州有火自空墜于城北又

明史天啓年間遼東城中有火自

空下迤邐而焚民舍俱與此同

十三年大疫死殆盡人相食十四年樹木枯十

五年九月二十六日黃水漲城不及沒者數版

十六年野大荒市無居人遍地長草木

國朝順治三年水四年水五年春旱秋大水十一年

六月淫雨壞民廬舍禾漂沒秋冬旱十二年夏

大水七月朔日食

康熙四十二年亳州飢四十八年自夏淫雨至

秋大水是年大飢至四十九年秋成後始安集

雍正九年舉報壽婦單懷臣之妻張氏一百零

一歲

恩賞緞一疋銀十兩禮部題請

旌表給與建坊銀三十兩坊曰貞壽之門



恩詔舉報壽民趙振鐸一百零六歲周德茂一百零二歲各

恩賞緞一疋銀十兩禮部題請

旌表給與建坊銀三十兩坊曰昇平人瑞

山川

疆域之內城郭宮室關市之類皆與時遷移所不改者山川也毫雖無山而岡坡亦山之屬故與境內諸水並列焉

岡

虎頭岡在渦河西北離城二里迴伏數里爲城北之屏障

南虎頭岡在城南一里

南五里岡在城南五里環城土陵數塚人呼爲曹操虛糧塚云居民掘地往往得石券輒碎之不令人知相傳以爲帝王塚蓋曹氏土著連姻凡公侯墳墓俱在亳故也

河

渦河發源自葛河口由鹿邑西來至北城外會



馬尚河東流經蒙城至懷遠東南入淮謂之渦口許氏說文云渦水受扶溝浪蕩渠東入淮柳氏曰渦河勢曲折水流旋轉成渦故名按字書云渦音戈水出睢陽入淮渦音窩水回也今皆作渦蓋從省耳

馬尚河由歸德府北來至北門外入渦河

清河由歸德府北來至城西北二里東流入渦河

三里河在城南三里東流入渦河舊有石橋今

廢

宋塘河在城南二十五里北流入渦河

十字河在城南三十里東流入渦河

漳河在城南三十里東流入渦河

明河在城南六十里東流入渦河

油河在城南六十里東流入渦河

三丈口河在城東南四十五里東流入渦河

百尺河在城東南五十里東流入渦河

雉河在城東一百二十里蒙城界東流入渦河



包河在城西北二十里東流入馬尚河

泥河在城父東東流入漳河

清水河在城西南

淝河在城南八十里東入太和縣界

湖

耿塘湖在城父東南三十五里

七湖在城東南七十里因濶七家湖水故名

白零湖在城父東北三十里

駱家湖在翟村寺北

水

涓水

文獻通考有涓水係亳州地

高陂水在城南四十三里魚蚌菱芡之藪也

谿

乾谿在城東南七十里城父南左傳云楚子次於乾谿即此

溝

拄杖溝北流過北十字河起自太清宮相傳老子拄杖畫地於此故名



九里溝在城南東流入渦河

麥稽溝在城南十二里東流入渦河

雙溝在十字河南五十里南流入淝河

瓦壯溝在城南五十里北流入十字河

魚糟溝在雙溝南三十里太和縣界東流過淝

河

龍鳳溝在城父東流入渦河

莎溝全上

脫韜溝在城東七十里南流入渦河

黃練溝在城東南二十五里東流入渦河

挑溝在城東北一里

東九里溝在城東南東流入渦河

西九里溝在城西南入渦河

潭

龍潭在渦河西十里

花馬潭在城西北 里為包河匯聚處方廣

十頃許旁多榆柳中列芰荷夏秋間漁艇叢集

溜



砂疆溜在城西五里

懷家溜在城西三十里故苦縣地與鹿邑交界  
張信溜在城東南

安家溜在城西北三十里與鹿邑交界

〔風俗〕

風俗以教化爲移易者也我

國家漸仁摩義四海之內無不一道同風顧其水土之異宜習俗之沿襲雖百里有不同風者是  
以古之治者不求變俗皆如其國之故而謹修

之所謂合乎人情宜乎土俗云爾

禮記云殷人尊神先鬼而後禮

漢書地理志云汝南之別皆急疾有氣勢

隋書志云舊傳其俗傲蕩今則好尙稼穡重於  
禮文其風皆變於古

唐志云仁厚之俗勤農事惡衣服人皆忠義本  
於張巡許遠之表率

異聞集云人性質樸惟務農桑今則工商交作  
詞訟簡少視昔爲盛也



士紳家居喪不作佛事有伊洛遺風

立春不鞭牛俗傳城形若臥牛鞭之則人災

飲酒以互相酬酢為禮

婚姻不論財禮隨女家之力以備粧奩

喪服即小功總麻非吉事不易服

城池

有國邑即有城池禦暴衛民端賴金湯之固由來尚矣毫為南北門戶吳豫咽喉高壘深隍所係綦重其建置之始末所宜致詳也凡市集橋

梁因類及焉

城周九里十三步高一丈五尺廣倍之隍深一丈與城相遠形如臥牛故名臥牛城

明洪武初築土城宣德十年指揮周廣益以磚石包砌弘治十一年知州劉寧指揮石璽增設

城樓東門曰望仙西門曰朝真南門曰武勝北門曰吉慶

考宋真宗大中祥符四年謁太清宮賜州城西門曰朝真樓曰奉元北城曰均禧樓曰均慶今



惟朝真從舊也

雍正十二年知州盧見曾於四城樓向內題額  
東曰起鳳西曰來紫南曰太和北曰望華

街市

十字大街

大隅首

靈官廟街

以下東北角

老子殿街

城隍廟神路巷

三皇廟街

玉皇廟街

察院巷

倉巷

大寺巷口

以下西北角

二郎廟街

曹家巷口

局裡

禮拜寺街

四眼井

以下東南角

李家巷

學巷口

文昌街

黌學前

以下西南角

清風巷口

三義廟街

高家巷口

皮廠殿街

以下北門外

白布街

帽舖街

豬市巷

洪濟橋

里仁街



爬子巷

南京巷

水門關

席市

順城街

老花市

紙坊街

老磚街

鐵果巷

磁器街

天棚街

觀前

淳化街

來鳳街

乾魚市

花子街

門神街

末和街

羊市街

爛麵街

德振街

薑蘇市

大橋街

顏家隅首

順河街

打銅巷

分司街

通京大路

東順城街 以下東關外

小隅首

菜市

河南大路 西關外

驢市 以下南關外

潁州大路

坊



振古名邦 州治前

成湯肇域 在州西街北知州張猷建

承宣坊 在州西正德間知州張思齊建嘉靖時知州張猷修

撫字坊 在州東餘同上

宣化坊 東街

道德坊 西街

能仁坊 南街

歸厚坊 北街

激揚坊 察院前

貞肅坊 按察司西

文明坊 在儒學神道南知州張猷建

儒林坊 在儒學門前

興賢坊 在儒學門左

育才坊 在儒學門右並知州顏木建

方伯坊 在十字街東山西布政司張定

繡衣坊 在十字街南御史張定

澄清坊 在十字街西御史米堅

登科坊 在南街舉人李英



應奎坊 在儒學右舉人歐陽迥

昂霄坊 在北街舉人李恂

司諫坊 在北街兵科李恂

武英坊 並在北街後舉人劉末

世榮坊 在州南街 舉人薛蕙

經魁坊 在城南門正德 進士薛蕙

進士坊 在城南門正德 進士薛蕙

廷諍大禮 在城南門吏部薛蕙

舉人坊 嘉靖 周尚文署州副斷事萬梲建

鉞衣坊 在州東嘉靖時建

聖賢各諫 在州西刑科李國士

三世方伯 在東門內山西布政李國士

孝行坊 孝子成綱楊昇王矩

烈女坊 在東關街北嘉靖時海秀妻

貞節坊 恭人黃氏宜人盧氏何氏

神農衣冠坊 在城東北隅

集

重興集 在城東十五里 釣魚臺 在城東三十里

疆域城池



泥臺店 在城東三十里 觀音堂 在城東四十里

沙土集 在城東五十里 義門集 在城東七十里

小楊家 在城東九十里 中心集 在城東九十里

丁塚集 在城東一百里 雉河集 在城東一百二十里

梁家集 在城東南四十里 楊家集 在城東南五十里

油河集 在城東南五十里 立德集 在城東南七十里

龍德集 在城東南七十里 花溝集 在城東南九十里

草廟集 在城東南九十里 籬笆集 在城東南一百里

楚店集 在城東南一百三十里 十字河 在城東南一百三十里

雙溝集 在城南五十五里 古城集 在城南八十里

梅城集 在城西南三十里 城西集 在城西南三十里

安家集 在城西南四十里 魏家崗 在城西南三十里

減種店 在城西北三十里 牛寺集 在城西北四十里

小奈集 在城西北十八里 盧家廟 在城西北三十里

張家集 在城北三十里 顏家集 在城東北三十里

宋家集 在城北五十里 五里溝 在城東北十八里

渾河集 在城東北四十里

疆域城池



鳳頭村 在城北二里

丁村 在城東三十里

楊園村 在城東四十五里

茶路村 在城東五十里

耿村 在城東六十里

伯俞村 在城東七十里

賦羅村 在城東七十里

水西村 在城東九十里

中宮村 在城東一百里

郭村 在城東北二十五里

北張村 在城東北三十里

塢下村 在城東北一百里

翟村 在城東南二十五里

竹種村 在城東南三十里

北李村 在城東南五十里

南李村 在城東南五十里

路村 在城東南七十里

小李村 在城東南七十里

城父村 在城東南八十里

義元村 在城東南八十里

白花村 在城東南八十里

唐店村 在城東南八十里

南張村 在城東南一百里

椰林村 在城西二里

小朱村 在城西北十八里

小黃村 在城西北三十里

韓村 在城西北三十里

魏村 在城西北三十里

杏花村 在城西南二里

舖

總舖 在州治大門外

車埠舖 在城東十里

翟村舖 在城東三十里

釣魚舖 在城東四十里



魚李舖 在城東六十里 義門舖 在城東七十里

大聞舖 在城東一百里 閔家舖 在城南十八里

十字河 在城南三十里 百尺舖 在城南四十里

雙溝舖 在城南五十五里

橋

望仙伏龍橋 在城內西 普濟橋 城北一里俗稱大橋商旅輳集之地

范公橋 北關大橋處 東二橋 大橋之東城北一里

西二橋 大橋之西城北一里 太平橋 城西北一里

馬廠橋 在清河口城西二里 孟家橋 城西北三里

西臺橋 城西北二里 牛家橋 城東北一里

張家橋 城東北一里 霸陵橋 城東二里明弘治四年建

九里溝橋 城南九里 小石橋 在城西九里溝又名九里橋

五麻溝橋 城東北二十里 包河石橋 城東北三十里武平衛張沂修

梁家橋 城東北三十五里 紀家橋 城南三十里

十字河橋 城南三十里 通津橋 城南四十里衛舍人王旺建

普濟橋 城東南四十里 劉家橋 城東南四十里

油河橋 城東南四十五里 雙溝橋 城南五十五里

孔家橋 城南六十里 趙家橋 城東六十里



傅家橋

城東南六十里

陶家橋

城東南六十五里

高家橋

城東南一百二十里

張村橋

城東南一百四十里

渡

靈津渡

在北門外宋真宗祥符六年賜名

車埠渡

在城東十里

李家渡

在城東三里

韓家營渡

在城西五里

關

稅課關

在城東北二里張家埠口

亳州志卷之二

疆域志

下

公署

亳時縣時郡改易不常至治址則相沿如故若其餘建置或遷或廢著其現在而存其舊蹟興廢之由可覽而知也

州治在城東門內本唐總管府舊基宋節度使夏竦元忠武王張柔知州姜大亨蓋苗明知州張文弼知縣徐貴王瓘謝宥相繼建修至弘治



六年知州王沂以舊縣廳爲後堂外復創建廳堂門庫公廨六房同知張淮築臺砌甬道嘉靖時知州孫元卿復修之堂後爲知州衙東爲州同衙西爲州判衙次西爲吏目宅其前稍東爲儀仗庫稍西爲吏目廳事兩翼爲六房甬道中夾爲戒石亭稍南爲儀門爲大門儀門外西爲獄東有管糧廳舊茶廳也稍東爲土地祠稍西有蕭何堂又東有旌善亭西有申明亭此本舊誌嘉靖四十三年以前之州治今事隔兩朝年

經一百七十所謂州判衙管糧廳等廨宇僅存其名而州治猶彷彿舊規模焉今照壁臨東門大街內街一道至大門上爲鼓樓各三間儀門三間大堂五間堂名 隔左右各一間存貯倉穀兩廡爲六房二堂三間堂名 宅門內三堂三間堂名思鞏後爲內署三堂之右爲花廳前知州廬植牡丹芍藥于庭因築草亭于對面題額曰種花亭署後舊有大樓五間雍正十二年冬被火焚今造平房五間在前



上諭碑亭在州大堂前

庫一間上樓一間在宅門外之左

倉二十間在州大堂東州同署前

獄禁在儀門西

州同署在大堂東

吏目署在大堂西

學正署在儒學明倫堂之西今移入貢院大堂  
之後訓導署在明倫堂之次西今移入學正舊  
署

都司署在東門大街

千總署在都司署北卽舊衛衙

僧正司舊在城北門內咸平寺今在城西南隅

皮廠殿

道正司在城隍廟

陰陽學無定所

醫學無定所

養濟院在城東北隅明弘治年知州王沂立

廢署



行察院舊在州治東明弘治年間知州王沂建  
行按察司舊在州治後相傳魏武帝故宅後爲  
玉清宮明正統六年知縣盧試榮建爲察院正  
德五年復改按察司

澄清司風紀司舊在城內東北明嘉靖時知州  
張猳建爲公館正德年知州張思賢改置察院  
巡檢司舊在義門集明正統年添設後裁廢  
稅課局舊在州治西明設大使一員嘉靖三年  
裁革後改爲吳張二守惠政祠

軍儲倉舊在州治東設有倉大使一員今裁廢  
卽舊儒學所

長安倉舊在城北馬尚河東明正統五年典史  
曹受建今廢

義門倉舊在白龍王廟北明正統五年知縣盧  
試榮建今廢

桑棗園舊在城外東北隅洪武二十七年開設  
今廢

古蹟



閩人成世閩世成今依古以來滄桑屢變城郭  
宮室臺榭非復曩時然而殘編所載故老所傳  
猶可彷彿遺踪以寄遙集之思云爾

南亳故都在城東北四十五里距商邱穀熟舊  
縣三十五里係宋家集等地

梅城故城在州西南四十里古梅伯國隋開皇  
間分小黃置梅城今爲梅城集

城父縣舊治在州東南七十里春秋時陳邑左  
傳云僖二十一年楚伐陳遂取焦夷昭九年楚

遷許於夷實城父蓋城父卽夷地也漢置城父  
縣劉宋改置浚儀魏收志云浚儀縣有城父城  
是也今爲城父鄉

思善廢縣在州南八十里城父城南漢章和二  
年分城父縣置

苦縣舊治在州西四十里春秋陳國地楚滅陳  
遂屬楚漢爲陳國苦縣晉改谷陽隋改仙源屬  
亳州譙郡宋省入鹿邑今雒河太清宮卽苦縣  
之瀨鄉也老子所生漢桓帝延嘉八年遣中常



侍左官往苦縣祀老子唐高宗乾封元年二月如亳祀老子雖屬鹿邑實亳接壤

武平城在州西南即漢武平城縣

下邑故城在州東北五十里後魏僑置

長垣廢縣在州東東晉初析譙縣地僑置

藥城故城在州東南唐武德三年於魯邱堡置

文州並藥城縣

鎰城廣輿記亳州有鎰城

桑林在湯陵西二里成湯禱雨之處

桐宮在湯陵東今為大覺寺

按湯都或云偃師或云穀熟而朱蔡

兩夫子詩書計昔以為穀熟今通志以偃師去

州絕遠穀熟相去亦百餘里總非今之亳州據

括地志穀熟西南三十五里為南亳則去州止

四十五里在州境內原非以州治即古亳城也

括地志又云偃師東有湯塚近桐宮究未知

孰為真偽故桑林桐宮因舊志所載姑仍之

章華臺在乾谿左傳楚子成章華之臺杜註在

南郡華容縣今湖廣荊州府監

利縣辨

而存之

流星園在州東一百二十里過此為蒙城界相

傳老子之母所居有星突流於園遂誕老子

天靜宮在州東福寧鎮近流星園漢延熹八年



因老子於此受生建以奉老子元至正年提典  
劉道廣修編修張起巖撰文

聖母殿在天靜宮前有大石枕刻文云鑿石爲  
枕斷木爲橋紅塵不到終日逍遙今仙景宛然  
因以名鄉煉丹井在聖母殿前

太清宮在州西四十里與鹿邑交界故苦縣瀨  
鄉老子故居

九龍井在太清宮相傳老子始生時見九龍吐  
水五行志云開元間亳州老子祠九井涸復湧  
大清樓在州西宋真宗幸亳建以祠老子  
昇天榆在州西相傳老子乘白鹿緣此樹昇天  
寥陽萬壽宮在城內西南元通真子劉志義建  
編修汪禧撰碑記後爲軍儲倉今儒學是其故  
址碑尚存

玉清萬壽宮在城內東北後改按察司  
魏武帝宅在州東五里建安十五年令曰欲於  
譙東五十里築精舍秋夏讀書冬春射獵以自  
娛今傳州西有讀書精舍



譙望樓魏武帝所建曹子建作畫角二弄

東臺在城東一里許

西臺在城西一里許二臺魏武所築觀稼臺

省稼臺卽南五里岡亦傳爲魏武所築今有五

墩八古栢

八角臺在城東南三里魏武所築嘗大饗軍士

於此譙令谷在城東北三十里魏武至譙令軍

士築之有譙令碑

大饗堂在州城內魏文帝南征軍次譙大饗六

軍及譙父老百姓立大饗碑於譙曹植作文梁

鶴鍾繇書篆時稱三絕今蘇揚藏古家多有搨

本而碑石無存莫可踪跡

希夷故里在城南十八里有曲水環之

東釣魚臺在城東四十里

西釣魚臺在城西四十里

澄碧臺宋知州宇文虛中建歲旱祈禱得雨嘗

晏此

秋風臺在城內西北隅元汝南王張柔所建今



清風巷即其故宅也

望仙臺

看花臺

明王臺在城西北二里元末劉福通迎立韓林兒於此僭號宋稱小明王此其即位臺也

四女谷在城父村

常樂園在東門外二里薛考功所居名退居園中丞馬收日常樂內有瑩心亭

薛家閣在長樂園之左薛莫所建以聳文峯今

為觀音閣

祇樹園在薛家閣之左今為三官殿

壇廟

國有社稷所以報土功為民而建立也至於有功境內及其德行有關於風化者亦立廟祀之此治民事神義敬同昭之義若夫非祀典所載而里人所僭祀欽奉者亦附見焉以存其舊云爾

社稷壇在城西門外



風雲雷雨壇在城南門外

勅建先農壇在城東門外壇旁置有耜田四畝九分

歲以仲春亥日行耕藉禮

州厲壇在城西北城濠外明洪武二年知州張文弼建弘治十二年

知州王沂重建

關聖廟在城隍廟東雍正五年奉

旨追封三代公爵全日祭於廟後殿明正統年百戶懷玉弘治年指

揮石壘修建舊有張弘畧書楚詞唐詩於碑石其碑尚存

城隍廟在城東北隅洪武五年知州張文弼因舊址修建後知縣徐貴謝

宥知州王沂

劉寧繼脩

勅建八蜡神廟

劉猛將軍廟俱在南門外雍正三年武舉修靖等公捐修

旗纛廟在武平衛後明洪武二十二年指揮方海創建後指揮周廣石壘

修

忠義祠在學宮戟門西

節孝祠在學宮東

以上天下俱如制

三皇廟在州治東北角有神農衣冠塚



湯陵祠在北關外二里以伊尹仲虺配建太甲祠於後以伊陟咎單配

老子祠在城東北角萬曆間知州馬成鼎創著經堂石刻道德經建春登臺於其左

陳希夷祠在北關河北岸

華祖祠在城內東北角

水神廟在北關河北岸

火神廟在北關末和街西

馬神廟在城外西北四里新馬廠內弘治年知州王沂建

孝友廟祀唐朱仁軌

韓伯俞祠在城東義門集西

烈女祠在州城東門外祀魏曹文叔妻令女海

秀妻李氏毛繼妻宋氏御史萬夔撰文

李喜女祠在城東義門集西

伯顏祠在州東福寧鎮祀元亳州城父縣達魯

花赤事詳本傳

惠政祠在州治西祀知州吳必學張挺嘉靖年

建



考功祠在城東二里祀吏部薛蕙嘉靖四十二年督學直指題奉建專祠仍予世襲奉祀生一名

境內諸廟

魁星樓在東南隅城上最爲高聳

文昌閣與魁樓相近俱係毫之文峯

東嶽廟在城東門內

泰山廟在觀音堂盧家廟十字河雙溝集張村舖共五所

玉皇廟一在城東北隅一在義門集南隔河一在城南六十里凡三所

玄帝廟在東臺城西門外臧家店立德寺劉家集義門鎮共六所

龍王廟共四所一城南十五里相傳五龍王聽法處一城東七十里義門集渦河北岸故此地名廟上一城西沙疆溜北岸一城北渦河南岸龍臺廟城父南二里乾谿溝

靈顯真君祠



許真君祠在城東北一里額曰萬壽宮

水府君祠在北關外街北

火星廟城內關外甚多不勝詳記

金龍四大王廟在北關外花子街

岳王廟在北關太平橋南

朱文公祠在北關門神街

晏公廟在城內西街南正統間指揮朱斌修建

高公廟在城東南一百二十里

下塢廟在城父東二十里

文王廟在城父西八里

齊王廟在城父東八里

漢光武廟在城西南三十里

魏武帝廟在城東七里宋穆撰碑

魏文帝廟在城東五里

木蘭女祠在東關四眼井東路北相傳左右印

木蘭之家今祠址已廢作滂池

二郎廟在義門集

附陵墓



神農衣冠塚在城東北隅

湯陵在城東北一里

一在河南偃師縣未知孰是

伍奢墓在城東七十里楚平王居太子建於城父奢為之傅塚在焉

祁革先墓在譙之湯陰鄉革為尚書郎父贈衛尉卿葬於此歐陽文忠公有神道碑文

費東田墓在渦河南子康臣清臣

張八宰相墓在城東十里渦河之南元汝南忠武王張柔第八子弘畧卒葬於此追封蔡國公

### 謚忠毅

劉平章墓在城西南五十里劉本亳人名寧元之丞相也洪武初率部歸明後孫劉寅陞沁州衛指揮僉事

張方伯墓在城北一里

薛考功墓在城東南一里文徵明撰墓碑

李方伯墓在城東南三里八角臺左

### 寺觀

自蕭梁好佛李唐尊老子為玄元皇帝而寺觀



之建遍天下焉亳爲老子生土其祀老子固宜  
其宮殿之舊著名者例入古蹟合之爲宮爲觀  
亦寥寥無幾乃所爲佛寺者何其多也蓋非由  
勅建而亦冒寺之名今不可考別亦無從稽其  
孰存孰廢第因舊志所載并益以所未載者而  
臚列之尙多未盡云

咸平寺在州城北門內明洪武二十八年建人  
多稱大寺

鐵佛寺有三一在州南三十里一在州南七十

五里一在州北四十里

北李村寺在州東南五十五里明弘治年建

大雲寺在州東南六十里有石塔一在州東南  
一百六十里

石佛寺有二一在州東南六十里一在東北二  
十五里

留鹿寺在州東南四十三里至正元年碑記

楊村寺在州東南六十里明弘治三年建

海會寺在州東南一百二十五里



華嚴寺有二一在州東南百四十里一在州東  
百里

大悲寺在城東一里東臺上明成化年建太常  
翟英撰記

普菴寺在城西一里西臺上明成化七年建

興國院在城父之北楊團村舊名大聖元泰定  
二年改曰興國

法相禪院在州治宋建穆修作記

廣慈菴在城西南隅其鄰爲皮廠殿

白衣菴在東關外內皆禪僧有戒律凡僧人受  
戒皆至此

五龍寺在城南二十里

秋崗寺在城南二十五里

卜村寺在城南二十五里

文殊寺在城南三十里

興佛寺在城南三十里

劉光寺在城南三十五里

祝聖寺在城南四十里



倉孤堆寺在城南五十里

馬長官寺在城南六十里

雙溝寺在城南六十里

洪深寺在城南六十五里

福燈寺在城南六十五里

尖塔寺在城南七十里

車牛塚寺在城南七十里

侄塔寺在城南七十里

古城寺在城南七十里

龍德寺在城南八十里

翻柘寺在城東南四十里楊家集

竹塚寺在城東南四十三里

丁固寺在城東南四十五里

元通寺在城東南五十里

百尺河寺在城東南五十五里

新臺寺在城東南五十八里

羅漢寺在城東南六十里

大興寺在城東南六十里



石佛寺在城東南六十里

廣雲寺在城東南六十里

南李村寺在城東南六十五里

立德寺在城東南七十里

盧氏寺在城東南七十里

尹家溝寺在城東南七十五里

唐店寺在城東南七十五里

觀音寺在城東南七十五里

靜居寺在城東南七十五里

孫村寺在城東南七十五里

彪里舖寺在城東南七十五里

黃壯寺在城東南八十里

大文寺在城東南八十里

上記寺在城東南九十里

七賢寺在城東南九十里

青塚寺在城東南一百里

草吉寺在城東南一百里

觀音寺在城東南一百里



五行寺在城東南一百五里

韓家寺在城東南一百十里

雉河寺在城東南一百十里

楚店寺在城東南一百二十里

高橋寺在城東南一百二十里

林虎寺在城東南一百二十里

緣落寺在城東南一百二十里

毘盧寺在城東南一百四十里

磚橋寺在城東南一百五十里

西新寺在城東南一百五十里

胡家寺在城東南一百八十里

新興寺在城東南一百八十里

韓村寺在城東二十五里

翟村寺在城東三十里

譙令寺在城東三十里

夏佛寺在城東三十里

丁村寺在城東三十里

南金山寺在城東四十里



北金山寺在城東六十里

岳城寺在城東四十里

義門寺在城東五十里

回龍寺在城東五十里

廣教寺在城東六十五里

龍興寺在城東七十里義門集僧定然建千佛閣於後

元村寺在城東七十里

汝家寺在城東八十里

老里寺在城東八十里

小里寺在城東八十里

岳家寺在城東八十里

吳橋寺在城東九十里

洪山寺在城東九十里

馮下寺在城東九十里

丁塚寺在城東一百二十里

百花寺在城東一百二十里

圓覺寺在城西北一里



龍泉寺在城東北二里

上元寺在城東北十五里

火燒寺在城東北三十里

夏侯寺在城東北三十里

紫堂崗寺在城東北三十里

麥楷溝寺在城東北三十五里

棗塚寺在城東北三十五里

重興寺在城東北四十里亦名靜居寺

演武寺在城東北五十里

大覺寺在城北一里湯陵左卽桐宮地

大悲閣在城北一里湯陵右

四河寺在城北十五里

清涼寺在城北十八里

東崗寺在城北十八里

郭村寺在城北二十里亦名興佛寺

南曹寺在城北三十里

北曹寺在城北三十二里

磚崗寺在城北三十里



法雲寺在城北三十五里

齊家寺在城西北三十五里

釣魚寺在城西北二十里

郭家寺在城西北三十里

牛四寺在城西北四十里

寶光寺在城西北四十里亦名鐵佛寺

棗子寺在城西北五十里

護國禪院在城西半里唐乾符年建爲王仙芝

黃巢兵所壞至明萬曆年間又修建有碑記又

相傳黃巢起兵於此

萃河寺在城西一里弘治年建

龍潭寺在城西十八里

祖宣寺在城西二十里

梅城寺在城西南二十五里

新岡寺在城西南二十五里

岳方寺在城西南二十五里

滑家寺在城西南三十五里

資慶塔在咸平寺內沛國夫人朱氏建



寶光塔在城北四十里今名半截塔  
城父塔在城父村

通真觀在城西北二里

北曹觀在城北三十里

亳州志卷之二 共二十二頁